




Early European Books, Copyright © 2012 ProQuest LLC.
Images reproduced by courtesy of The Royal Library, Copenhagen.
IN bis 382 [45, 197 4"]





Early European Books, Copyright © 2012 ProQuest LLC.
Images reproduced by courtesy of The Royal Library, Copenhagen.
LN bis 382 [45.197 4"]



Early European Books, Copyright © 2012 ProQuest LLC.
Images reproduced by courtesy of The Royal Library, Copenhagen.
LN bis 382 [45.197 4']



Early European Books. Copyright © 2012 ProQuest LLC.
Images reproduced by courtesy of The Royal Library, Copenhagen.
UN bis 382 [45,197 4']

Dupl. b)

EPISTOLA CONSOLATORIA DAVIDIS CHYTRÆI, SS. THEOLOGIÆ DOCTORIS celeberrimi, & Rostochiensis Academiæ Professoris clarissimi,

ad Generosum Dominum

HENRICVM RANZOUIVM,

REGIVM IN DVCATIBVS HOLSATIÆ VICARIVM,
de immaturo filii sui CAII RANZOVI, Reverendissimi Archiepiscopi Bre-
mensis & Antistitis Lubecensis Iohannis Adolphi, Ducis Slesvici, Holsatia, Stor-
marie & Dithmarsiae, &c. Consiliarii, ac Praefecti arcis Gotter-
piensis, piè in CHRISTO defuncti, obitu
viriliter tolerando.

VNA CVM

Eiusdem HENRICI RANZOVI Respon-
soriâ, quæ præter Theologica, etiam Philosophica
exhibit de hominum resurrectione
testimonia.

Quibus adjecta sunt

Elogia & Epitaphia aliquot diversorum autorum,
& Copia quædam literarum Serenissimæ Daniæ Regis Friderici II.
de dimissione prænominati CAII, cum in Belgio
captivus detineretur.

Item Epitaphia IDÆ RANZOVIÆ, CAJI & ELI-
SABETHÆ Ranzoviorum filiæ, & Henrici
Ranzovii V.R. neptis, a parentibus
Apenrodæ posita.

HAMBVRGI. ANNO Christi, M. D. XC I.

IN INSIGNIA FAMILIÆ GENTIS RANZOVIANA.



Ranzoviae gentis sunt hæc insignia: cuius
In galea Martis cornua robur habent.
Vna, quid est, albo quod pars nitet, altera rubro?
Arma duces bellis, paxq[ue] togata decent.

Area cur non est facie insignita ferarum,
Nobilium clypeis quod decor esse solet?
Quem pietas, animi candor, quem consicia famæ
Nobilitat virtus, nobilis ille satis.

Caius Henrici

natus est	anno	1562.	9. Augusti
Segebergæ			
V. R. filius			
bergæ		1591.	20. Aprilis

Vixit igitur annos 28. menses octo, diesq[ue] undecim.

I N D E X.

- Epistola Consolatoria Doct. Davidis Chyträi. fol. 1.a
Epistola Responsoria Henrici Ranzovii. 3.b
Inscriptio Sacelli Itzehoënsis ab Henrico Ranzovio
conditi. 9.b
Inscriptio Sarcophagi ejusdem Henrici Ranzovii. 10.a
Henricus Ranzovius de suo sarcophago ad imitatio-
nem Pontani. 10.b
Symbolum Henrici Ranzovii. 11.a
Ranzovici Symboli æquipollentia. ibid.
Inscriptio marmorei monumenti in templo D. Laurentii
Itzehoë ab Henrico Ranzovio erecti. 12.a
Typus ejusdem. 12.b. & 13.a
Preces Henrici Ranzovii pro felici ex hac vita exitu,
cum nonnullis aliis de fragilitate vitæ Epigramma-
tibus. 13.b
Elogium Caji Ranzovii. 14.b
Copia literarum Regis Daniæ Friderici II. de dimissio-
ne Caji Ranzovii. 16.a
Inscriptio monumenti Caji Ranzovii autore Petro Lin-
denbergio. 17.a
Aliquot Epitaphia Caji Ranzovii autore eodem Petro
Lindenbergo. 17.b
Ejusdem Petri Lindenbergo Elegia Consolatoria de
obitu filii viriliter ferendo ad Henricum Ranzo-
vium V. R. Patrem. 18.b
Aliud Epitaphium Germanicum ejusdem. 19.b
Definitio vitæ Petri Lindenbergo. 20.a
Memoria Caji Ranzovii, autore Bartholomæo Rhodo-
manno Boruslo. ibid.

A 2

Elegia

I N D E X.

- Elegia Consolatoria Wippermanni Pastoris Segeber-
geasis ad Henricum Ranzovium de obitu filii Caji. 20.b
Epicedion Caji Ranzovii, autore M. Henrico Gerlacio
Hamburg. 23.b
Aliud Epicedion ejusdem, autore Bonifacio Calenio
Hamburg. 24.b
Inscriptio monumenti Idæ Ranzoviæ. 2 .b
Versiculi Idæ Ranzoviæ, qui Epitaphio soluta oratio-
ne conscripto respondent. 26.a
Aliud Epitaphium Idæ Ranzoviæ. ibid.
Avus nepti. 26.b
Neptis avo. ibid.
Aliud Epitaphium Germanicum Idæ Ranzoviæ 27.a
Epistola Consolatoria Georgii Rollenhagii ad Henri-
cum Ranzovium de obitu filii Caji, cum nonnullis
Epitaphiis ejusdem. 27. b. usq; ad finem.



CON-

geber.
ii Cajia
20.b
erlaclo
23.b
Calenio
24.b
25.b
oratio.
26.a
ibid.
26.b
ibid.
27.a
Henri-
onnullis
finem.
ON.

CONSOLATO-

RIA DAVIDIS CHYTRÆI

AD HENRICVM

Ranzovium.

s. d.



Obilis & magnifice Heros, patrono
colende, posteaquam de nobilissimi gene-
ris ac ingenii juvne, senilem prudentiam,
& virtutis maturitatem, ante annos ade-
pto, filio tuo CAJO, superioribus diebus
ex hac vita evocato, intellexi: ad officium
pietatis & gratitudinis, Domino & patrono de me opti-
mè merito debitæ, pertinere judicavi, συμπάθειαν
meam, & doloris ac mœstitiæ societatem, tali tempore
declarare. Vult enim Deus nos adversis amicorum &
patronorum casibus vero mœrore affici, & simul de
communi naturæ nostræ infirmitate, de causis ingentiū
miseriarum & mortis humanæ, & de fontibus consola-
tionum, quos Deus monstravit, cogitare. Magnum qui-
dem & acerbum vulnus præpropera & immatura mors
talium liberorum cordi nostro infligit, in quibus inge-
nium coeleste suis velocius annis surgit, & ante annos
animumq; gerit, curasq; viriles: qui virtute & industria
singulari exulti ac politi, jam patriæ suæ, & Regibus ac
Principibus, patriæ Dominis, cum laude servire cœpe-
rant: & quos, si diutius vixissent, magno Republicæ &
suis præsidio & ornamento futuros, spes erat. Sed non

A 5 casu

CONSOLATORIA DAVIDIS CHYTRÆI.

casu fortuito , nec causis secundis tantum nasci & occidere homines , ut pulcerrimi arborum & herbarum flores hoc anni tempore subito defluunt ac pereunt, vel ut pomum, alia matura, alia ante maturitatem decidunt, sed certo DEI patris cœlestis consilio & voluntate, certa vitæ spacia , aliis longiora , aliis breviora tribui scimus. Definiti enim dies hominis sunt, ut vox divina inquit : Numerus mensium illius penes te DEUS est, constituisti terminos ejus, qui præteriri non poterunt. Etsi autem causas divini consilii , optima quæq; prius à nobis auferentis, & impleri numeris deteriora suis permittētis, omnes perspicere non possumus: tamen cum omnibus hominibus statutum sit semel mori , multis calamitatibus & periculis tempestivè morientes præripi , non solum exempla plurimorum , fortunā , potentiam , dignitate, florentium, Pompeji, Ciceronis, Croesi, Polycratis, Valeriani Cæsaris, &c. quibus diutius vixisse nocuit: verum etiam *Sapient. 4.* cœlestia oracula confirmantur. Et uno veluti fasce *Esaiae 57.* nec a mortis tempestivæ commoda complectens exclamat : O ignaros malorum suorum, quibus non mors, ut optimum naturæ inventum, laudatur : quæ sive felicitatem includit : sive calamitatem repellit, sive satietatem aut lassitudinem senis terminat: sive JUVENILE ÆVUM, DUM MELIORA SPERANTUR, IN FLORE deducit: sive pueritiam ante duiores gradus revocat: omnibus finis: multis remedium: quibusdam votum: de nullis melius merita, quam de iis, ad quos venit, antequam invocaretur. Floruit Filius tuus, ingenii sagacitate & prudentia senili: singulari in rebus agendis dexteritate ac industria; morum gravitate, & victore omni-

CONSOLATORIA DAVIDIS CHYTRÆI.

2

omnium voluptatum animo, planè adhuc juvenis. Jam quicquid ad summum pervenit, ad exitum properat, ait idem Seneca: Eripit te aufertq; ex oculis perfecta virtus, nec ultimum tempus expectant, quæ in primo matruerunt. Ignis quò clarior fulsit, eò citius extinguitur. Sic ingenia, quò illustriora, eò breviora sunt, ut de Marcelllo adolescente, Augusti sororis filio, Virgilius cecinit: Ostendent terris hunc tantùm fata, nec ultra esse sînen. Augustus ipse, vivum & unicum ferè inter Reges, Aristotelicæ beatitudinis, cum excellenti sapientia, virtute & felicitate, cætera etiam fortunæ bona conjuncta habentis, exemplum: duos nepotes suos, CAJUM & LUCIUM, in quibus spem generis & imperii præcipuam collocârat, in ipsum ætatis ac rerum gerendarum flore amisit. M. Cato, ille sapiens & senex, filium prætorium, virum optimum & virtute præstantem, terræ se mandâsse refert, cùm contra sibi ab illo parentari decuisse. Paulus Æmilius ille, qui Perseum Macedoniæ Regem à se captum, in triumpho duxit, cùm ex quatuor filiis, duos adoptandos, in Scipionum & Fabiorum familiam dedisset; duos superstites, illis ipsis triumphi diebus, ante se ex hac vita migrare videt.

Hæc cùm summis istis Imperii Romani luminibus, & aliis, Principibus & privatis, in Ecclesia DEI evenerint: injustum esset à nobis similia onera recusari, præfertim cum DEIUM sapienti & gravissimo consilio, nostræ potissimum utilitatís & salutis causâ, nos morbis & nostrorum morte, & aliis adversis casibus interdum exercere sciamus, ut timor DEI, fides, invocatio nostra,

CONSOLATORIA DAVIDIS CHYTRÆT.

nostra, patientia, & cæteræ virtutes, quæ rebus omnibus ad voluntatem fluentibus, languidores fiunt, & paulatim prorsus extinguuntur; per crucem & calamitates in nobis explorentur, exerceantur, crescant, & confirmentur.

Verè enim Demetrius, vitam securam & sine ullis fortunæ incursionibus, Mare mortuum appellat, quod nullis ventorum flatibus, ut cætera agitetur, nihil habere ad quod exciteris, ad quod te concites, cuius denunciatione & incursu firmitatem animi tui tentes, ut Attalus etiam, Stoicæ disciplinæ Philosophus dixit, malle se, ut eum fortuna in castris suis, quam in deliciis habeat. Sed nostræ potius Philosophiæ Principis CHRISTI testimoniis utamur, qui omnis doloris ac ærumnarum expertes, pro spuriis & nothis, non pro filiis à D E O haberí ostendit. Quis enim est filius, quem non erudit subinde, & castigat pater?

Quod igitur, te quoq; non Aristotelica solùm felicitate, ut de Augusto Cæsare paulò ante dixi, sapientia, virtute, doctrina, splendore, gloria, flore liberorum, opibus, latifundiis, plenâ autoritatis & dignitatis sene-
tia vigentem: sed etiam post mortem, secuturam beatitudinem in cœlis æternam expectantem: subinde mortalitatis & fragilitatis humanæ D E U S tuorum funeribus & aliis rebus incommodis admonet, benevolentiam DEI erga te paternam, hac quoq; in parte agnosces, nec voluntati D E I vehemer ius repugnabis.

Cumq; carissimus filius tuus, in vera agnitione & invocatione filii D E I Domini nostri Iesu Christi deceferit:

CONSOLATORIA DAVIDIS CHYTRÆI.

Ierit: certò statuimus eum, in æterna cum D E O & Ecclesia coelesti consuetudine, consecutum esse æterna cum Christo gaudia, & lætari, se miseriis ærumnosæ hujus vitæ mortalis perfundit esse, & nunc coram frui conspectu & voce filii D E I, & clarissimorum Regum Davidis, Josiæ, Constantini, Caroli I. Christiani III. Friderici II. & nobilissimi Herois, Joannis Ranzovii, avi paterni, & fratrum qui eum præcesserunt; & tuam ac nobilissimæ matris, & fratrum, sororumq; superstitum salutem D E O commendare.

Quod si in Christum credimus, & fidem verbis ac promissis ejus habemus, (inquit D. Cyprianus) cur non cum Christo futuri, & de Domini pollicitatione securi, ad Christum, cum quo victuri, & temper regnaturi sumus, læta securitate venimus? Quis non ad meliora festinet? Jam terrenis cœlestia, & magna parvis, & caducis æterna succedunt. Quis hic anxietatis & sollicitudinis locus est? quis inter hæc trepidus & mœstus est, nisi cui spes & fides deest. Ejus est enim mortem timere, qui ad Christum nolit ire: ejus est nolle ad Christum ire, qui se non credit cum Christo regnare. Et paulò post: Non igitur sunt lugendi fratres & liberi nostri, accessione dominica de seculo liberati: Cùm sciamus, non eos amitti, sed præmitti; recedentes præcedere; ut proficientes & navigantes, desiderari eos debere, non plangi: nec accipiendas hic esse atras vestes, quando illi ibi indumenta alba jam sumserint.

Non dubito autem, te, universam Ecclesiæ doctrinam, & hunc præcipue portum vitæ ac salutis æternæ, in quem filius tuus tempestivo cursu jam pervenit, intuen-

B tem,

RESPONSORIA HENRICI RANZOVI.
tem, & hæc quæ commemoravi omnia, & alia dolorum
remedia cogitantem, mediocriter in DEI voluntate ac-
quiescere, & mœstitiæ repugnare. Existimavi tamen
ad officium patrono & amico de se optimè merito per-
tinere, tali tempore aliquam communis mœstitiæ & lu-
ctus significationem ostendere. Quod te, tali sapientia
& bonitate virum, non aspernari, confido. D E V M
æternum Patrem Domini nostri Jesu Christi, fontem
omnis consolationis & vitæ præsentis ac æternæ, ar-
dentibus votis precor, ut tibi, & nobilissimæ conjugi
tuæ vires animi & corporis confirmet, & vitam ad mul-
torum hominum & Reipublicæ salutem proroget, &
universam familiam vestram in columem & florentem
perpetuò servet. Datæ Rostochii, Calendis Maji,
Anno 1591.

RESPONSORIA HENRICI RANZOVI.

ad

Consolatoriam D. Davidis Chytræ.

 teras tuas Christianæ pietatis & hu-
mani officii plenissimas, Reverende ac
clarissime vir, quibus me de immaturo filii
mei Caji Ranzovii, in ipso ævi flore extin-
cti, obitu consolaris, accepi cupidè, &
spe bonâ operam in id à te collocatam es-
se, ut meum sedare studeres obortum dolorem, legi, hoc
ipso fructu efficaci percepto. Non solum enim egre-
giam

R E S P O N S O R I A H E N R I C I R A N Z O V I I .

giam multorum clarissimorum virorum, qui parem mecum experti sunt amissis liberis fortunam, continebant enumerationem: sed etiam ex ipsis sacris literis, verissimis nempe consolationum fontibus, certa remedia proponebant. Quo factum est, ut dolorem ac luctum, ex hoc tristi casu contractum, non parum levari atq; leniri deprehenderim. Quocirca pro hoc officii genere gratias tibi habeo quam maximas.

Evidem ingenuè fateri cogor, me legisse consolationes Philosophicas, cùm eam, quam libellus M. T. Ciceronis, de luctu minuendo, in quo seipsum de morte filiæ consolari conatur, exhibet: tūm alteram, quam olim Jacobus Sadoletus, initio Apostolicus Cubicularius, postea Cardinalis, ad Johannem Camerarium Dalburgicum, Episcopum Wormatiensem, & quondam Maximiliani I. Imperatoris Consiliarium, de obitu matris Româ scripsit: Meditationes item in adversis, quæ autore Joachimo Camerario Pabebergensi in publico existant. Occurrerunt adhæc magnorum virorum, tam Græcorum, quam Romanorum, atq; etiam domesticorum exempla innumera, quæ ad animi firmitudinem comprandam valent.

Pericles enim, amissis duobus filiis, coronatus nihilominus in concione disseruit.

Xenophon sacrificans, cum audiret filium fortiter dimicantem occubuisse: deposuerat quidem coronam, eandem tamen continuo capiti iterum reposuit.

Anaxagoram, cum ei mors filii renunciaretur, nihil aliud dixisse ferunt, quam genuisse sc̄ illum mortalem.

RESPONSORIA HENRICI RANZOVI.

Demosthenes orator ille insignis, amissâ filiâ unicâ,
septimo die indutus albis vestibus coronatusq; in publi-
cum processit..

Rex Antigonus auditâ filii Alcijonei, magno ani-
mo dimicantis, & mediis in hostibus occubentis mor-
te, nihil aliud dixit, quâm tardius, ô fili, audacter in ho-
stem impetum faciendo, meâ opinione cecidisti.

Quintus Martius, Romanorum Rex, cum unicum
filium amisisset, eo ipso die, quo filii rogum spectârat,
curiam ingressus senatum convocavit.

Harpagus Medus, cum filius imperfectus ipsi inter
epulas jussu Regis sui Astyagis proponeretur, nihil per-
territus, quicquid Regi placeret, sibi non displicere, in-
nuit.

Prexaspes morientis filii, cum Cambyses jaculo-
eum transverberâisset, sine inditio doloris spectator
fuit.

Lucius Paulus præterea duos filios spacio septem
dierum: Lucius Bibulus, totidem filios, ab Ægyptio
milite crudelissimè necatos: P. Crassus in conspectu suo
filium: D. Julius unicum filium: D. Augustus liberos
& nepotes, quorum & tu, mi Chytræe mentionem fa-
cis, & omnium suorum Cæsarum turbam: Q. Fabius
Maximus uno die uxorem & matrem, filium etiam pau-
lo post consularem amisit..

Ex his quisq; suorum interitum infraet o animo tu-
lisce proditum est.

Recens etiam duo illi nobiles Holsati, Petrus Do-
minus in Troeburg, ac Dethlevus Dominus in Kleet-
kamp, Ranzovii, ambo gentiles & agnati mei carissimi,
post-

RESPONSORIA HENRICI RANZOVI.

postquam unius anni spacio , patriā procul , vitâ exces-
fisse unicum suum filium uterq; cognovit : mirūm in tam
acerbo casu , quām viros Christianos & à nobilitate for-
titudineq; Cimbrorum veterum haud alienos se præsti-
terunt : Petrus in primis , qui ut ætate , ita animi præ-
sentiâ & firmitate Dethlevum superavit .

His exemplis omnibus non parùm à sollicitudine
me abduci sentio : præsertim hoc etiam considerato :
mala , quæ nec vitari , nec humanis viribus averti pos-
sunt , ferenda esse toleranter .

Verumtamen nihil magis me consolatur , quām spes
& fiducia , quam de resurrectione mortuorum , immor-
talitate animæ ac vitâ æternâ certam concepi , de illâ ex
verbo divinitùs patefacto edoctus : secundum quod in
sacris literis exposita exempla Patriarcharum , Abraha-
mi & Jacobi , Regis Davidis , Iobi & aliorum sanctorum
intuenda & imitanda , quatenus mea hoc fert tenuitas ,
spiritu divino suffulta , mihi propono . Vel unus Apo-
stolilocus in prioris Epistolæ ad Corinthios 15. capite ,
sæpe à me relecto , cui non eximat omnem dubitatio-
nem , de futurâ piè defunctorum gloriosâ resuscitatio-
ne ? Differit de hac luculenter & prolixè D. Paulus di-
fertè docens : Quomodo & quali corpore resurgent
defuncti , & prodibunt vitæ restituti : afferens imagi-
nem & experimentum vulgò cognitum , de semine , quod
non vivificatur , nisi emortuum fuerit : & cui Deus dat
corpus sicuti voluit : & unicuiq; seminum proprium
corpus . Quam partem Apostolici typi venustissimè illu-
strat Tertullianus in libro de resurrectione carnis : Seri-
tur solummodo granum , inquit , sine folliculi veste , sine

B 3 funda-

RESPONSORIA HENRICI RANZOVII.

fundamento spicæ, sine nutrimento aristæ, sine superbiâ culmi : Exurgit autem copiâ generatum, compagine ædificatum, ordine structum, cultu munitum, & usque quaq; vestitum. Hæc sunt ei corpus à D E O aliud, in quod non abolitione, sed ampliatione mutatur. Hæc ille. Ad quem etiam modum nostra hæc corpora, terræ mandata & corrupta, resurgent in potentia & **Φυσικὰ**, alia à τονευματικά. Planè enim & significanter τὸ Φθαρτὸν τὸ τοῦ, ait D. Paulus. Quæ verba Theodoretus suo quodam Dialogo insigniter urget & ponderat, sic scribens: ὅρας τὸν ἀκρίβειαν τὸ Θυμὸν τὸ τοῦ, ἐδεῖξε δεικλικῶς, ἵνα μηδὲν ἄλλης νομίσῃς σαρκὸς ἀνάστων. Quod ita interpretari conati sumus: Vides accuratam expressionem, Mortale hoc, quasi digito extenso monstravit, ne putas alterius carnis (præter hanc quam circumfere) resurrectionem.

Quid prohibet? inter alia argumenta neutiquam dubia, quæ confirmant persuasionem piorum animis altè infixam, de reddituro aliquando in corpora emortua vitæ sensu: quo minus huic quoq; considerationi aliquid tribuatur. Compertum habeo, corpora humana jamdudum exstincta, exsanguia, omniq; vitali spiritu carentia, etiam post longum temporis intervallum, eundem subire, ac stillare sanguinem.

Libet ejus rei duo exempla certò cognita hoc loco commemorare. Unum factum recordor, Christiernum II. ejus nominis Regem Daniæ mihi narrare. Aulicorum suorum quidam tempore vespertino, cum lis inter eos

RESPONSORIA HENRICI RANZOVI.

6

eos exorta esset, luminaribus extinctis, stricto pugione
interemptus est in conclave, in quo tunc temporis præ-
ter Regium cursorem adhuc undecim aut duodecim
aulici nobiles convenerant. Cum autem de cædis au-
tore non constaret, ac nobiles culpam in cursorem con-
ferrent, Rex verò cursorem, quem singulari favore am-
pletebatur, existimaret extra noxiā esse, & nobiles
contra cursorem conspirasse: omnes in conclave dicto
congregatos simul custodiæ tradi, ac prope corpus in-
terfecti iisti, singulosq; manū dextram nudo illius pe-
ctori admovere ac jurato se purgare coëgit, quod extra
culpam patratæ cædis essent constituti. Id cum à nobi-
libus ordine fieret, corpus occisi nullum signum ema-
nantis cruxis edidit. Accessit tandem cursor admissi
sceleris conscius: Hic mortui pedes primùm dolosè de-
osculatus est, ut eum hac ratione ob commissam cædem
placaret: deinde verò manu ad exanime pectus defun-
cti applicata, statim sanguis, tam ex vulnere, quam ex na-
ribus cadaveris magna copia erupit, necisq; autorem
ostendit. Cursor hujusmodi sanguinis inditio convi-
etus, conscientiāq; sceleris adactus, facinus confitetur.
Proinde mandato Regis capitis supplicio statim est af-
fектus.

Idem factum illustrissimus Dux Megapolensis Udal-
ricus Sophiæ Danorum Reginæ pater, Regem Christi-
ernum commemorantem audivit, quod tibi percon-
tanti oportunè opinor exponet. Quin & hodierno die
vivunt nonnulli nobiles, qui de hac cæde fuerunt accu-
sati. Posthac Rex Christiernus eum modum explorandi
cædum autores in toto regno suo observari passus est.

Testari

RESPONSORIA HENRICI RANZOVI.

Testari videtur de consimili admirando inditio reorum homicidii dictum Genes. 4. Clamavit vox sanguinis fratris tui de terrâ, &c.

Addam exemplum alterum, quod patris mei tempore Itzehoæ accidit. Cuidam viatori in itinere interfecto, quod de latrociniï autore non constaret, manus resecta, ac in carcere Senatus Itzehoensis ex tigno in fumo suspensa est. Tandem cum fortè fortuna post decem annorum intervallum, autor cædis in eam domum se recepisset, manus jamdudum exsanguis & arida, sanguinem ex alto in mensam subiectam stillare cœpit. Ex quo conjectura facta est hominem latrociniï reum existere. Carnifex visa Senatui indicat: Hic homine in vincula conjecto, patrem meum accersit: Latro, eo prætente, evidens judicium divinum agnoscens, cædemq; ante multos annos à se perpetratam affirmans, justam sceleris pœnam, quam sibi infligi ultro petiit, persolvit.

Hujusmodi exempla ego cum multis aliis in hisce aliisq; regionibus aliquando adhibitus, emergentibus ejus generis casibus, observavi, quæ scio verè ita se habere. Nec dubito, quin tu quoq; eadem Rostochii observaris.

Vidimus etiam corpora mortua interdum emittere sanguinem, proximis cognatis ad ea accendentibus.

Jam, ut iterum dicam, quid vetat, præter luculenta resuscitationis mortuorum testimonia, sacra hæc quoq; exposita, inter alia illustria resurrectionis vestigia, quæ DEUS impressit toti rerum naturæ, assumere, atq; inde colligere? si in corpus mortuum, quod omnis sensus

RESPONSORIA HENRICI RANZOVI.

sensus & sanguinis expers, & jamdudum arefactum est,
sanguinem redire ac inde emanare cernimus : si luna
singulis mensibus lumen amissum recipit : si appetente
verc terra reducit grama, flores, fruges : si arbores
frondibus, floribus, fructibus, vestiuntur : si insectis fri-
gore hyberno exstinctis vigor & vita restituitur : si
Phœnix ex flammâ & cineribus, ut dicunt, renascitur:
Nam perit ut vivat, se tamen ipse creat : Æternam vitam
mortis adeptâ bono, &c.

Profectò in dubium vocari nequit, corpora humana
ad vitam æternam divinitùs quoq; resuscitari, cumq;
animâ iterum copulari posse.

Quâ quidem spe ac fiduciâ secuturæ alterius vitæ
beatæ nisi me erexitsem, & cogitassem unicuiq; certum
vitæ terminum præfinitum esse à DEO, quem præterire
nemini liceat, ac D E O nos ex hac statione evocanti
parendum esse, jamdudum perturbatione animi atq;
dolori succubuisse, & cum Cicerone dixisse : Cedo
& manum tollo : quod ipsum tamen virum gravem haud
decuic. Non enim paucæ nec exiguae adversitates ex
frequentiâ funerum, intra aliquot annorum spaciū, me
exercuerunt. Nam non solū parentes meos, & fra-
trem unicum Paulum, sororemq; unam me juniores : sed
etiam præter filiam quatuor filios amisi : quorum duo
è ãtatis processerant, ut tūm Regibus ac Principibus
operam suam utiliter jam navare : tūm etiam mihi ãtate
confecto, meisq; præsidio ac ornamento esse potue-
rint : ac majore quidem, si D E U S Opt. Max. lon-
giorem vitæ usuram ipsis concessisset : ut interim si-
lentio prætercam fratris filios, ac meos nepotes cum

C nepti-

RESPONSORIA HENRICI RANZOVI.

neptibus subinde mihi ereptos: atq; inter neptes ante paucos menses Idam ex filiâ Elisabethâ natam.

Præmatura etiam mors serenissimi Regis Daniæ Friderici II. me summoperè commovit, magnamq; mihi luætus acerbitatem attulit. At hunc filii Caji casum, quod novissimus esset, præ reliquis omnibus gravius aliquantulum tuli: Hic enim debitâ obedientiâ, promptissimoq; obsequio, æquè ac cæteri liberi, me singulariter coluit. Accesit, quod Reverendissimus ac Illustrissimus Archiepiscopus Bremensis, Iohannes Adolphus, Dominus meus clementissimus, decreto stipendio honesto, ipsum in Collegium Consiliariorum Holsatiæ asciverat, præfecturamq; arcis Gottorpensis amplissimam ipsi commiserat: & quod meo maternoq; consilio nuptias cum lectissimâ & pudicissimâ filiâ Theodorici Blomii, jam ipsi desponsatâ, brevi celebraturus erat. Quo ex felici rerum successu, in hac senili meâ ætate, non parum subsidii ac solatii, majoremq; amicorum & affinium numerum mihi eram pollicitus. Sed D E O aliter visum est. Acquiescendum igitur juxta exemplum Jobi: & D E O accepta referenda è Vilenvia. Cujus hoc præcipuum beneficium interpretor, quod se, donec essent superstites liberi, morigeros declarârunt parenti utrique. Quocirca illis corporalis vitæ munere perfunctis, divinæ voluntati minimè esse refragandum duxi.

Hujus meæ erga D E U M subjectionis & præsentis animi testimonium complures, qui Cajo filio morienti mecum unâ adfuerunt, abundè satis sunt præbituri.

Vide-

RESPONSORIA HENRICI RANZOVI.

Viderunt enim non pauci, flexis genibus & vero cordis affectu, DEO immortali animam illius me commendare, & oculos placide consopiti propriis manibus claudere. Plures fuerunt $\alpha\delta\lambda\omega\pi\lambda\omega$, quod ab administratione Regiorum negotiorum, quibus proximum triduum ab obitu filii consumptum est, in praesentiâ Serenissimæ Reginæ Daniæ, & quibus magna omnium admiratione Segebergæ interfui, me avocare passus non fuerim: sed singularem adhibuerim animi præsentiam, ac in rebus gerendis, de studio pristini illius mei constantisq; moris remiserim nihil.

Cum funus Bredenbergæ Itzehoam vicinum in oppidum deduceretur, Legatis Reginæ Daniæ & Archiepiscopi Bremenfis atq; Antistitis Lubecensis, qui ad co-honestandam pompam funebrem missi erant, propinquis itidem, gentilibus, & amicis meis, ob commodatam præsentiam suam, consueto orationis filo, in cœmiterio ipse gratias publicè egi. Plerosq; consimilibus casibus conflictantes sæpenumerò ita occupare dolorem cernimus, ut & vox ipsis intercipiatur, & inter singultus atq; suspiria materia sermonis ægrè suppeditat. Concioni insuper & exequiis funebribus interfui: & exuvias in ayitum monumentum sine animi commotione singulari in præsentia meâ deponi curavi.

Omnino ita faciendum fuit, nisi mei dissimilimum me perhibere, & ab ejus generis subjectionibus, quas, mi Chytræ, præclaras tuâ epistolâ es complexus, abhorrentem, universis me præbere voluisse conspi-

C 2 cien-

RESPONSORIA HENRICI RANZOVI.

ciendum. Quapropter ut ita me comparare possem, multipli consolatione animum tristiciā affectum non tantum obfirmavi: verū etiam mecum mente voluntavi, hujus corporis compage soluto, mihi ad filium Caju(m cui ut parentibus, fratri, sorori, & filio Theodorico, oculos propriā manu compressi, post sumptam sacram Eucharistiam, & piā recordatione meritorum filii DEI, spiritu exhalato) paulò post emigrandum esse; ac post hanc omnibus hominibus communiter propositam mortem, nos tandem simul cum illo, bonis omnibus circumfluente, cœlestium Angelorum & beatorum cœtu conjunctos, vitam perpetuam rursus esse adepturos: ac beatæ immortalitatis compotes, jucundissimo conspicu augustissimæ divinitatis in æternum perfruituros, inter cœlestes æternitatem, quam nulla temporis circumscrip̄tio metietur: atq; sic licet mœsti & molestiis infinitis confecti, ex ordine hospitio excessimus: latoꝝ tamen & recreatos in cœlesti patriâ, corpore & animâ, ἐν ριπη̄ ὁφθαλμῷ rursus esse conveniuros.

Quod ipsum complexus sum, & ad posteritatem testatus sequenti inscriptione, quā sacellum in monumentum & conditorum patris, matris, filii mei Caji, & posteriorum, Itzehoæ de integro ædificatum exornavi, ut is etiam locus consolationis aliquid mihi adderet, quem piā affectione in religiosum converti.

Restat, ut tres etiamnum superstites filios, ac quatuor filias, cum 20. nepotibus ac neptibus, D E O clement-

RESPONSORIA HENRICI RANZOVI.
mentissimo incolumes servandos & gubernandos, ut
sint salutaria organa sibi, & aliis, ardentibus votis assi-
duè commendem.

Tu quoq; longùm vale, mi Chytræe, bono Eccle-
siæ & studiosorum usibus: cuius vel unicæ suavitas vi-
tam propter ingruentes varias molestias alioquin in-
gratam, reddit utriq; nostrum jucundam. Data
in arce meâ Bredenbergâ. Calendis Junii,
Anno Christi, CIC. IC. XCI.



C 3 IN.

FNSCRIPTIO SACELLI ITZE-
HOENSIS DE INTEGRo AB HENRICO
RANZOVIO constructi.

Ego HENRICUS RANZOVIUS tri-
um Daniæ Regum in Ducatibus Vicarius, ex una-
nimi Dn. Abbatissæ Catharinæ Alefeldiæ & Consulum
urbis Itzehoæ, ac templi ibidem D. Laurentii Curato-
rum consensu, quibus ad ædificationem ejusdem 470.
tetradrachmas dedi, Anno à partu semper virginis 1591.
ætatis verò meç 65. hanc ædiculam seu sacellum exstrui,
DE Oq; trino ac uno dedicari ac consecrari feci, inq; il-
lud ex avitâ jam penitus repletâ, & nimis angustâ cry-
ptâ, patris, matris & filii CAJ corpora transferri curavi,
ut esset tam mei ipsius, conjugisq; Christinæ ab Hallen
unicè carissimæ, & posterorum, quam utriusq; parentis
& filii conditorium commune. Cum quibus etsi nunc
non quo loqui: tamen à morte invicem ossa miscebi-
mus nostra, & quemadmodum in terris viximus vitam
mortalem, sic iterum resuscitatî in cœlis vivemus æter-
nitatem æternam.

Condidit H E N R I C U S monumentum hoc no-
mine R A N Z O W
Prosc, proq; sua posteritate domus.

IN-

INSCRIPTIO SARCOPHAGI,
QUEM IDEM HENRICUS RANZOVIUS
mortalitatis memor ex solido lapide excavari, & in
prænominati conditorii medio, ad se
in eo sepeliendum ponи
curavit.

IN hoc Sarcophago conditus est **HENRI-**
CUS RANZOVIUS, Johannis filius, Henrici ne-
pos, Bredonis pronepos, CAJII abnepos, Regis Daniæ
Christiani III. Friderici II. & Christiani IIIII. olim vi-
ces in Ducatibus Slesvicensi, Holsatiæ & Dithmarsiæ
gerens, Præfectus arcis Segebergensis, Dominus in Bre-
denberg, Ranzow, Ranzovisholm, Nutschow, Mel-
beck, &c. qui vixit Annos mortuus Anno

אָזְבַּדְתִּי

וְאֵלִי יְהֻנְתִּי גָּאֵלִי מִי וְאֶתְרֹן גַּלְעֵדְךָ יְהֻנְמָה :

Job. 19.

Et ego scio Redemptorem meum vivere: & is
novissimo die me è pulvere excitabit.

HEN.

HENRICUS RANZOVIUS
Vicarius Regius ad imitationem Pon-
tani de suo Sarcophago.

VIUS lapideum hunc mihi parari lectulum,
In quo jacerem mortuus.

Noli obsecro me mortuum lacestere,
Qui vivus obfui nemini.


HENRICUS ille namq; sum **RANZOVIUS**
Regis Dani **VICARIUS**.

Quem plurimùm plures amarunt Principes,
Suiq; pañsim subditi.

Quem docti honestarunt viri, cumq; improbis
Laude cumulaverunt probi.

Nunc, **HOSPES**, ecquis sim, aut mage fuerim, tenes:
Veruntamen qui tu sies,

Non cognitum est mihi, igitur ut te ipsum bene
Noscas rogo. His longum vale.



STRM.

IUS
n.
SYMBOLVM HENRICI
RANZOVI.

MORS HUJUS VITÆ, ÆTERNAE VITÆ
NATALIS, cum signo Cranii.

Grana velut putrefacta novas meditantur aristas.

Corpus sic gignent ossa sepulta novum.

Nempe ex interitu fluit instauratio nostri,

Principiumq; boni finis acerbus habet.

US
H^VI^IS R^ANZ^OV^IC^I S^RM-
BOLI EQUIPOLLENTIA.

Mors vitæ principium.
Interitus instaurat.

Corruptio generat.

Finis præteriti, principium futuri.

Victus morere.

Miseria felicitatem parit.

τὸ ταρὸν γένεν, τόδε μέλλον αὐταντα.

Futura præsentia non videbunt, sed præsentia futura.

Induviæ exuviarum non erunt memores.

ταντα ταλαγὰ νέα.

Quæ omnia absq; Christo rationi erunt aut absurdæ aut
paradoxa.

D

Præ-

Prudentius.


Mors hæc reparatio vitæ est.

D. Bernhardus.

Mors piorum est finis malorum, & janua ad vitam.

Aliud D. Pauli ab Eitzen.

VIentes morimur, morientes vivimus, ergo
Vive memor mortis, mortemq; pavescere noli.
Vita malis plena est, pia mors pretiosa quies est.
Vitam mors sequitur, sed mortem vita beata.
Mors nobis lucrum, quia vita est Christus Iesus.



JN-

FNSCRIPTIO MARMOREI
EIVS DEM HENRICI RANZOVII MONUMENTI

HENRICUS RANZOVIUS Ducatum Regiorum in Holstia Præsidens & Gubernator, præter reliqua parentibus filiis & filiab^o erecta monumenta, etiam singulare marmoreum, cuius typus hic subiectus est, in pariete templi Itzehoënsis sibi parari, & illud reliquis majorum Epitaphiis adjungi vivens fecit, in quod tūm ipse, tūm ejus uxor, filii filiæq; omnes sacrosanctam Trinitatem venerabundi intuentes, ad vivum expressi sunt, cum inscriptione tali:

DEO TRINO ET UNI SACRUM.

HENRICUS RANZOVIUS IOHANNIS filius, Regiæ Majestatis Daniæ in Ducatibus locum tenens, Dominus in Bredenberg, Drakenburg, Rintem, Wellingsbuttel, Hatstedt, Tuschebeck, Ranzovisholm, Wandesbeck, Bucken, Melbeck, Redingstorp, Ovendorp, Nutschow, Nuchel, Gronow, Stelnow, Erfstadt & Rantzow, hoc monumentum in honorem sanctæ & individuæ Trinitatis, ac memoriam majorum suorum, juxta altare S. Trinitatis sepulchorum propter loci commoditatem hic poni curavit, Anno 1578.

MORUS DE MORTE.

NOs semper mortem procul, & procul esse putam^o:
At mediis latet hæc abdita visceribus.
Paulatim morimur, momento extinguimur uno,
Lampas ut hic oleo deficiente perit.

D 2.

N 2.

Nascendo morimur, vita
Vita hæc, mors: mor



Ranzouij



DEO TRINITATI SA

Franciscus Ranzouij, Theodorus Ranzouij,
Breyo Ranzouij, Cajus Ranzouij,
Johannes Ranzouij, Johannis Ranzouij,
Gerhardus Ranzouij

Henricus Ranzouij, filius Joh
nepos franciscus regis D
Sylvanus, fons Henr
in Brabant, sibi
Ranzouij

altera morte paratur
tis funera, finis erant



PRECES HENRICI RANZOVII
pro felici ex hac vita exitu.

A Lme pater, vitæ qui das primorodia nostræ,
Quiq; sacro nob s numine temper ades.
Fac etiam vitæ felix sit ut exitus hujus,
Ultima nec mortis sit gravis hora mihi.
Patria, Fama, Domus, Spes, Rex, Fortuna valete:
Sat mihi, sat vixi, Cimbria clara, tibi.
Dissolvi cupio vitæ pertæsus, & esse.
Cum Christo: Christo dulce vocante mori.

Ejusdem.

S At mihi, sat laudi, caris vixi sat amicis:
Mors mihi sperati muneris instar erit.
Ergo Fama vale, Spes & Fortuna valete:
Tu quoq; Rex clemens, Patria, Stemma, vale.

A L I U D.

VIvo, pòst moriar, sic fert divina voluntas,
Hæc quæ vult, eadem me quoq; velle decet.
Vita mihi melior continget, temporis hujus
Vita, quam vixi, vita operosa fuit.
Quam spero vitam, Christi mihi sanguine parta est:
Hac dabitur læta pace Deoq; frui.

Euripides.

IOmors, quietis portus & salus, veni:
Veni, mederis sola quæ nostris malis.

Ex

DE FRAGILITATE VITÆ.

Ex I. Et 2. Cap. Jobi.

Quas olim donārat opes, has abstulit igne,
 Omnia pro libito dans adimensq; D E U S.
 Si bona de Domini manibus suscepimus : æquum est
 Forti animo immissum sustinuisse malum.
 Ingressus terram nudus de ventre parentis,
 Nudus in effossum rursus inibo solum.
 Rursum expectabunt Dominum posita ossa sepulcro :
 Idem ego, non alii : carne videbo D E U M.
 Sit nomen Domini benedictum : Nam dat & aufert,
 Reddit & occidit, vivificatq; D E U S.

Aliud de fragilitate vitæ.

VIta piis mors est, mors vita, hīc vivere justus
 Necit, sed credit vivere cum moritur.
 Illa abiit primum, mox tuq; omnesq; sequemur :
 Ire omnes unam cogimur in patriam.
 Illa abiit, moneat semper nos esse paratos,
 Ne nos incautos opprimat ille dies.

A L I U D.

Natus humo nutritur homo, per humūq; movetur,
 Inq; reversus humum carne resurget humo.
 Sortis enim humanæ est, non semper vivere : sed sic
 Vivere, ne mors sit pœna futura, DEI est,

Petrus Lindebergius.

A L I V D.

Mors nihil à nobis nisi morbum & crimina tollit :
 Surgit homo, morbum & crimina linquit humo.

ELO-

ELOGIVM CAIL
Ranzovij.



AJUS Ranzovius, Henrici Regij
in ducatibus Holsatiæ Vicarij ac
Consiliarij filius, natus est A. C.
1562. 9. Augusti, horâ 2. min.
12. post meridiem. HIC in
tenerâ ætate præceptorî privato
in disciplinam traditus, semina li-
terarum feliciter hausit.. Dein-
de in aulam Illustrissimi Principis
Holsatiæ Adolphi suscepitus, unâ cum Principibus Hol-
saticis D. Friderico & D. Philippo educatus & libera-
lioribus artibus imbutus fuit.. Ut autem studia hu-
maniora ulterius persequeretur, ac linguas etiam pere-
grinas addisceret, à parente in Galliam missus est: ubi
per hyemem Lutetiæ moratus, sequenti vere, duobus
comitibus & aliquot nobilibus se conjungens in Angli-
am traiecit. Hac ferè totâ perlustratâ ac statu aulæ
Anglicanæ explorato, in Galliam est reversus. Hac
quoq; penè universâ peragratâ, in patriam se recepit,
ubi Metropolitanæ Ecclesiæ Hamburgensis Præposi-
tus & Canonicus est electus. In Serenissimi Daniæ Re-
gis Friderici II. aulam, ubi Danicam linguam didicit, se
postea contulit, à quo A. C. 1587. missus est ad Il-
lustrissimum Ducem Parmensem, cum literis concer-
nentibus tractationem de pace, inter potentissimum
Regem Hispaniarum, & Serenissimam Reginam An-
gliæ, ac Belgicos Status. Rebus ibi dextrè confectis à

A 2. Duce

ELOGIVM CAII RANZOVII.

15

Duce Parmense catenâ aureâ, ejusq; effigie donatus benignissime alegatur. Iter ingressus, tribus ab urbe Bruxellâ miliaribus, per 22. equites Bergenses, 9. die Januarii captus, omnibusq; suis, quas tunc secum deferebat, fortunis spoliatus est. Sed literis Ducis Parmensis resignatis, agnitus à Reginæ Angliae Capitaneo, & ad status inferioris Germaniæ missus, ab his liberatur, & rursus ad Regem Daniæ, qui eam ob causam ad illustrem Baronem Angliae Peregrinum de Willugbui literas sequentis tenoris dederat, dimittitur: qui ejus captivitatis & injuriæ vindicandæ causâ naves Hollandicas 600. in freto Orsund detinuit, donec persolverent 30000. thalerorum. Ex eâ summâ Ca-
jo Ranzovio 10000. pro perpessâ captivitate & deten-
tione ex speciali gratiâ Rex donavit. Post obitum
Regis Friderici, mandato Reginæ, Regiam filiam, quæ
Illustrissimo Principi Brunsvicensi Henrico Julio eloca-
ta est, comitatus, in aulâ ejusdem Ducis aliquandiu
substitut. Inde evocatum Reverendissimus & Illustris-
simus Archiepiscopus Bremensis Episcopus Lubecen-
sis Johannes Adolphus, Dux Holsatiæ &c. in nume-
rum Consiliariorum Holsatiæ cooptavit, & administra-
torem amplissimæ præfecturæ Gotorpiensis consti-
tuit. Ad eam suscipiendam contendens, & thalami
consortem Diderici Blomij filiam sibi desponsatam du-
cere volens, in itinere febrili paroxysmo est correptus.
Invalescente morbo, in arce paternâ Bredenbergâ sa-
cram cænam cum usurpâset, & se DEO propitio fir-
mâ fide commendâset, spe resurrectionis & vitæ æter-
næ fecuturæ fretus, non sine acerbissimo dolore ac
lacrymis suorum, nec absq; luctu publico totius Hol-

E satiæ

ELOGIVM CAVI RANZOVII.

satiæ, quæ per ejus immaturum obitum singulare decus ac præsidium amisit, inter complexus parentum ac propinquorum piè placideq; obdormivit, Anno Domini 1591. die 20. Aprilis, circiter horam 7. vespertinam. Dum vivebat, piè, modestè & sobriè vivebat, nemini gravis, nemini noxius, sed talis omnino, qui, quod de Amphiarao Græcus Poëta scripsit: Non videri, sed esse bonus vellet. Nihil eo erat probius, nihil comius, nihil munificentius, nemo amicorum observantior, nemo sodalium studiosior, nemo juvenum humanior, & quod majoris est modestiæ, non solum pares ferebat facile, sed etiam humiliores sibi æquabat. Ex vultu eius enitebat bonitas, ex incessu gravitas, ex verbis comitas, & senilis prorsus prudentia. Corpus in Sarcophagum, quem pater Henricus sibi metipsi parari jussérat, illatum, ac in sepulcrum avitum Itzehoense depositum fuit, anno eodem, die 7. Maij. Sed inde postea in conditorium, quod parens Henricus Ranzovius, consensu Abbatissæ Catharinæ Alfeldiæ, Consulum Itzehoensem & Curatorum templi ad S. Laurentium, propter cryptæ avitæ angustias extrui curavit novum, cum avi, aviæq; corporibus est translatum. Sepulturæ interfuerunt Serenissimæ ac illustrissimæ Reginæ Daniæ SOPHIÆ Friderici II. Regis relictæ viduæ, & Reverendissimi illustrissimiq; principis Joannis Adolphi, Archiepiscopi Bremensis & antistitis Lubecensis legati, Henricus Ranzovius pater, ac præter defuncti fratres & affines, qui omnes ferè Regum Daniæ vel Ducum Holstianæ sunt senatores, ac præfecti amplissimi alii ex nobilitate complures.

D. S.

COPIA

COPIA LITERARVM SERENISSIMI DANIE REGIS FRIDERICI II. ad Illustrem Baronem de Willugbui Reginæ Angliae D. Elisabethæ Bergij ad Zomum Gubernatorem, de dimissione Caij Ranzovij scriptarum Scanderburgo, XI. Februarij.

A. C. 1587.

FRIDERICUS DEI GRATIA
*Dania, Norvegia, Wandalorum Gothoriumque
 Rex, Dux Slesvici, Holsatia, Stormaria ac
 Dithmarsia, Comes in Oldenborch &
 Delmenhorst.*



fide dignis hominibus ad nos defertur,
 anlicum nostrum ministrum Nobilem di-
 lectum nostrum fidelem Cajum Ranzo-
 vium, ab Illustri Principe Parmensi, quo
 eum ablegaveramus, redeuntem, à mi-
 litibus, aut prædonibus potius quibus-
 dam, inter Bruxellam & Coloniam interceptum &

E 2 capti-

COPIA LITERARVM DE DIMISSIONE CAY.

captivum abductum esse: Hunc verò nos non nostri privati commodi causa, sed cum literis, quæ pacem provincijs Belgij, quam non sine magno labore & sumptu conficere studemus, procurent, tesserâq; salvi conductus & latinè & germanicè scriptâ, nostrâq; manu & sigillo obfirmatâ, dimiseramus. Ideoq; sane, uti par est, non parum indignè ferimus, nullo respectu ab hominibus illis contra jus gentium tam insigniter peccatum, neq; probaturam hoc esse factum Serenissimam Angliæ Reginam, sororem nostram carissimam, cuius nomini tamen hi prædones obstricti dicuntur, quinimo pro merito per suos ministros punituram, certò confidimus. Cum verò simul hoc quoq; nunciatum sit, ministrum nostrum Ranzovium Bergam ad Zomum, quam administrationi tuæ creditam existimamus, perductum esse: tametsi de benevolia tua voluntate erga nostros minime dubitemus, proprioque motu operam daturum credamus, quò dictus Ranzovius liber & in columis ad nos redeat: hoc tamen ipsum clementer à te, ut facias, simûlque ut militibus illis interdicas, ut justis potius virtutibus quam prædonum artibus famam sibi parare studeant, postulamus. Id enim nisi fiat, nos vicissim pro ratione consilium capiemus, quo nostri deinceps tutò magis itinera sua nostro jussu instituta conficere possint. Cæteroquin Regiam nostram benevolentiam tibi deferimus.

Datæ &c.

**

*

Jn-

*Inscriptio monumenti Caij
Ranzovij.*

S V B S I S T E V I A T O R
&

H E N R I C O R A N Z O V I O T R I V M

Daniæ Regum in Ducatibus Vicario, viro optimo,
patri moestissimo, pro pietate tua condolecto.

Hic conditum

C A I V S

Ex nobilissimâ & antiquissimâ Ranzoviorum

gente apud Cimbros oriundus:

Spes patris & patriæ, matris solamen,

columen familiæ:

Qui Reverendiss: Bremensis Archiepiscopi, Holsatiæ

Ducis Johannis Adolphi Consiliarius, & arcis

Gottorpiæ P R A E F E C T U S,

In ipso ætatis flore,

In medio vitæ cursu,

Cum, hebdomatico quarto completo,

vixisset annos octo & viginti,

menses octo, diesq; undecim,

Pro thalamo, quem cogitabat, tumulum

adit.

A. C. C I O. I O. X C I.

XX. Aprilis.

B R E D E N B E R G Æ.

Petrus Lindenbergius.

E 3.

EPITAL.

EPITAPHIV M
eidem Cajo Ranzovio erectum.

Magnanimi Herois, Ranzoo stemmate creti,
Præsens, quem calcas, continet ossa locus.
Cui pater HENRICUS, cui clari sanguinis ortus,
Cui nomen CAJO, Cimbriaq; est patria.
Nomine qui Regis Danaum legatus abivit,
Ad Parmæ illustrem, non sine honore, Duce*m*.
Quem Princeps Cimber, nunc præsul Ianus Adolphus
Bremensis, voluit consilium esse suum.
Et fidei illius Gottorum tradidit arcem,
Quæ vix Holsatico pulcior ulla solo.
Cui sponsata fuit Diderici filia Blom*m*,
Quæ nunc tristis habet pro thalamo tumulum.
Nondum complerat decimam trieterida vitæ,
Illum cum rigidæ mors daret atra neci.
Cælica pars cælum subiit, pars terrea terram,
In quam post mortem summus & imus eunt.
Qui legis hoc nostrum carmen funebre, viator,
Ult moriarē bene, in tempore disce mori.

ALIVD
eidem ab eodem.

Vincor materiā, & citò tu vis ire viator,
Expediam verbis, ne mora longa, tribus.
Hac jacet illustri CAJUS RANZOVIUS urnâ,
Filius HENRICI, cætera noscis, abi.

*PAREN*S

78
PAREN'S FILIO.

Siccine mi CAI, ô CAI dulcissime fili,
Solve re nunc cogor justa suprema tibi.
Siccine mi fili, ô fili carissime CAI,
Nunc cogor natum te sepelire pater:
Te juvenem sepelire senex, tibi condere bustum,
Vivus & extincto pro thalamo tumulum.
Qui mihi debueras naturæ lege superstes
Solve re, quæ cineri munia solvo tuo.
Cui sextus jam nunc & sexagesimus annus
Labitur, & vitæ meta peracta ferè est.
In terris contra, cum tu, fili optime, nondum
Vitæ complèsti bis tria lustra tuæ.
O præmaturi cineres, ô funera cruda,
O placidè liceat mi, properèq; mori.
Sat patriæ & natis, hoc mundi in carcere vixi,
Dissolvi cupio, cum D'E O & esse meo.
Attamen haud mea, sed fiat divina voluntas,
Cui me trado volens, subjicioq; libens.

FILIVS PATRI.

Ah pater exosis quid cælum fletibus imples,
Desine me nimium desine fieri pater.
Nemo hominum moritur casu, neq; nascitur ullus
Pendet at à solo vitaq; morsq; D'E O.
Quem penes est solùm largiri vivere longum,
Quem penes est solùm funera mœsta dare.
Cujus, ut ipse vides, facta est immota voluntas,
Cui placuit, rigido traderem ut ossa solo.

IIIe

ELEGIA CONSOLATORIA LINDE BERGII.

Ille iterum in vitam me nigrâ ex morte reducet,
 Meq; meæ matri, restituetq; tibi.
Cum tuba cælestis feriet clangoribus orbem,
 Hocq; triplex mundi flamma resolvet opus.
Quare age care pater durum compesce dolorem,
 Teq; tibi serva, dum sinit ipse DEUS.
Nil mihi singultus, lacrimæ nil proficit imber,
 Cum factum infectum reddere nemo queat.
Sufficiunt tumuli &, quam præstas, patria storge,
 Abs te nil aliud, mi pater, oro, vale.

P. L.

*Ejusdem Petri Lindenbergij
Elegia consolatoria, de obitu filij
viriliter ferendo, ad
Henricum Ranzovium V. R. patrem.*

S i toties morimur, quoties nos pignore privant
 Fata, velut docto Publius ore refert.
Heu quoties vixisse Heros te nobilis ajam,
 Pignoribus toties qui viduare tuis.
Primus de natis THEODORUS lumina claudic,
 Quo stat Vandaliæ pulcra Lubeca caput.
Deinde Palatinas ubi Neccarus alluit arces,
 JANUM præproperè sustulit atra dies.
Post natarum una arctoo CATHARINA sub axe,
 Ante diem celeri morte perempta cadit.
Mox annis animoq; vigens FRIDERICUS ab ictu
 Conficitur Sclopi Gallica castra sequens.

Tan-

ELEGIA CONSOLATORIA LINDEBERGII.

Tandem etiam post tot natorum funera CAJUM

Hocce tuo in senio mors truculenta rapit.

Prætero neptes, fileo quoq; pignora fratris,

Quorum non pauci succubuere neci.

Prætero agnatos, quorum virtutis amore

Vita tibi dulcis, mors onerosa fuit.

Haud igitur mirum, cæli quod limen anheles,

Et rores fletu sidera siccatauo.

E luctu in luctum cum conjecteris amarum,

Semper & obducto vulnere vulnus alas.

Quis sese in tali fortunâ temporebat? ah quis

Non tecum falsis se maceret lacrimis?

Verum cum fuerit fati hæc immota voluntas,

Ipsiusq; DEI velle necessè feras.

" Adversus stimulos durum est impingere calces,

Durius adversus fata movere manum.

" Fit facilè & subito, fieri quod fata requirunt,

Fit facilè & subito, quod cipit ipse DEUS.

" Qui quod agit, bene agit; quod & ordinat, ordinat æ-

Et justus justè quod facit omne facit. (quæ,

" Qui, velut est visum & placitum sibi, cuncta gubernat,

Sive ea grata tibi, sive molesta tibi.

" Non absq; illius nutu passerculus unus

Decidit in durum, corpore læsus, humum.

" Neve aliquis nostri capit is de vertice cirrus,

Immo nec minimus, ni volet ille, pilus.

Quare age Ranzoi, Domino te subjice CHRISTO,

Et placidus placide hoc pergrave perfer onus.

" Hoc grave perfer onus, patientia nobilis herba est:

Sed non hanc ipsam quilibet hortus habet.

F

Atq;

ELEGIA CONSOLATORIA LINDEBERGIL.

Atq; ut s̄æpe alios , sic hunc quoq; pelle dolorem .

Qui levior cunctis jure putandus erit .

Huic etenim nato , reliquis quod fata negārunt .

Extremum dixti perpetuumq; vale .

Huic soli assistens , reliquis quod fata negārunt .

Lumina clausisti jam moritura pater .

Hunc solum solum , reliquis quod fata negārunt .

Omnibus ex natis tumba paterna tegit .

Quēis simul adjicio , quod Christo fidus adhārens .

Mortuus in verā & salvificante fide est .

Taqq; illum rursus rediviva carne videbis .

Ultima cum terris fulserit illa dies .

Interea posito fletu , positoq; dolore .

Et tu , qui similis bulla , memento mori .

Mors certa est , fortuna levis , breve vivere nostrum .

Pulcrum manē rubens , vespere triste jacens .

Ibimus hinc omnes , omnes hinc ibitis , ibunt .

Quæ super & subter suntq; solum atq; salum .

Felix qui tandem supremam funeris horam .

” Implet fine bono , claudit amore D E I .

” Hoc Jobi dicto , Dominus dedit , abstulit idem .

Ut Domino placuit , cuncta ita facta cadunt .

Aliud Epitaphium ejusdem .

Es ist auff Erdt mit vnserm thun
Ein kurze Zeit / vnd gleich ein Nun /
Wenn wir vermeinen erst zu leben /
Müssen wir uns dem Todt ergeben /

D^a

DEFINITIO VITÆ PETRI LINDEBERGII.

Dahilfft fein Kunst / hilfft fein gewalt/
Sterben muß beide Jung vnd Alt:
Sieh doch an diesen Jungen Heldt/
Es halß nichts / er must aus der Welt.
Viewol von geschlecht sehr groß er war /
Mit Ehr / Kunst / Tugendt geziert gar.
Darumb o Mensch dich sterblich acht/
Sündige nicht dein Endt betracht.

DEFINITIO VITAE

Petri Lindenbergij.

V Ita quid est? Est mortis iter cumulusq; malorum,
Cumq; labore dolor, cumq; dolore labor.

Memoria Caji Ranzovii.

C Ur dolor ex morte est? Certè est in funere scenus,
Cum morimur, cælum nos capit, alma quies.
Terra dat hospitium, patrias vita altera sedes,
Hic luctum: in cælis gaudia justus habet.
An non deflendus potius qui nascitur infans?
Editus objicitur pluribus ille malis:
Contra cum plausu rigidam mittendus in urnam,
Qui juvenis fati lege solutus obicitur.
Hoc dictu facile est, qui verò ita moesta suorum
A se dimittat funera, rarus erit.

F 2

Quod

MEMORIÆ C A I I R A N Z O V I I.

Quod vix Ranzovius poterit, quem fama celebrem,
Quem virtus magnum, quem facit aula gravem.
Angit Nati obitus, de quo spes magna, parentem:
Hoc mage quod longum vivere dignus erat.
Vixit in officio nulli gravis, omnibus æquus,
Ante annos animum, magnaq; corda gerens.
Signaq; plura dedit patriæ virtutis, ut illam
Consilio æquaret, moribus, arte, fide.
Sed quæ restabant majora in rebus agendis,
Heu dolor illa dies abstulit una patri.
Ergo homo dum sano tibi sunt in corpore vires,
Quæ tibi promittis tempora? disce mori.
Vita est instabilis, nec constans, plena laborum,
Hæc perit, ut prati flos cadit, umbra fugit.

Bartholomeus Rhodomannus
Borußus.

E L E G I A

Ad generosum & nobilem virum D. Henr-
cum Ranzovium Proregem in Ducatis
Holsatiæ &c. lugentem immaturum
filii sui Caji obitum, Conso-
lationis ergo

Scripta

A
GEORGIO VVIPPERMANNO
PASTORE SEGEBERGENSI.

Imparibw

ELEGIA CONSOLATORIA VVIPPERMANNI. 21

Imparibus numeris Hymenæum fortè parabam,
In laudem CAJI scribere RANZ OVII:
CAJI, quem genuit, quem summo fovit amore,
HENRICUS, claræ nobilitatis eques.
Tum mihi, nescio quis, largè flens nunciat ore:
Hei noster Cajus fata suprema tulit.
Ac vitam cum morte suam mutavit acerbâ,
Qui multos annos vivere dignus erat.
In luctu pater est, nec tædas ille jugales,
Sed nato tristes hei parat exequias.
Pròh dolor hic rerum status est. Epicedion ergo
Conveniens Cajo, non Hymenæus erit.
Obstupui primum fateor, vox faucibus hæsit,
Oraq; sunt lacrimis hei madefacta meis.
Cum mihi mens rediit, sic dictis ora resolvi:
Hei mihi quas turbas invida Parca facit.
Dum sine respectu tollit juvenesq; senesq;
Nec, qui cuncta potest, impedit ista DEUS.
Sicnè decet reprobis longam concedere vitam,
Ac immatura tollere morte bonos?
His ego dum mœstus querulis indulgeo dictis,
Incusans justi judicis acta DEI:
Accedit pietas, dextram mihi vellicat aurem,
Os jubet in terram ponere, sicq; refert:
Carpere non fas est, quidquid divina voluntas
Rebus in humanis ordinat atque facit.
Ergo sile scriptumq; para, mœstissimus eheu
Quo pater in luctu se recreare queat.
In duris mittit si quis solatia rebus,
Sinceræ præstat religionis opus.

F 3.

Hinc

ELEGIA CONSOLATORIA VVIPPERMANNI

Hinc, Henrice, tibi, Prorex ac nobilis Heros,
Carminis elucet famma caputq; mei.
Hos elegos mitto, quò sit medicina dolori,
Quem fecit nati mors inopina, tuo.
Ne tuus excedant metam luctusq; dolorq;:
Sed verbo summi sint moderata DEI.
Non peccat, quisquis defunctum luget amicum:
Nam luctum suadet pagina sacra pium:
Ac exempla refert moderati plurima luctus,
Tempore quæ tristi sunt meditanda piis.
Stoica duricies nostris à mentibus absit,
A verbo summi discrepat illa DEI.
Namq; Deus storgas nobis insevit, amoris
Flagrantis nexus, pro bonitate sua.
Hoc ex fonte fluunt lacrimæ, luctusq; dolorq;,
Cum mors sub leges nos vocat atra suas.
Nec tua, dum mœres ob chari funera nati,
Culpari meritò mens generosa potest.
Attamen hunc casum moderate ferre memento,
Te scito Patriæ totius esse Patrem.
Hujus, si propriam contemnis, parce saluti:
Cimbria nam sine te salva manere nequit.
Et nunc perfummi numen venerabile patris:
Per Christum, cuius turba redempta sumus:
Perq; animam Caji, quæ nunc erepta periclis
In Christi placido vivit ovatq; sinu:
Obsecrat hei luctu te squalida Cimbria, mortem
Ut non acceleres ipse dolore tibi.
Non igitur totum, Prorex, te trade dolori,
Sed patriæ serva te, precor, ipse tuæ.

Tup-

ELEGIA CONSOLATORIA VVIPPERMANNI. 22

Tu patriæ currus, tu lux, auriga, salusq;
Deq; tua pendet nostra salute salus.
Ergo, res quantum patitur, moderare dolorem:
Morigeros etenim nos decet esse D E O.
Hic solus mundi determinat omnia rector:
Ipsius ex nutu nascimur & morimur.
Qui putat incerto volui mortalia casu,
Fallitur, & nil, se quo tutatur, habet.
Quam vivilis pretij res est passerculus unus:
Attamen in terram non cadit absq; D E O.
Nos magis esse D E O curæ quisnam neget? ergo
Sunt animo placido cuncta ferenda tibi.
Cum bona sit semper cunctis divina voluntas
Anteferenda bonis, anteferenda malis.
Et quia transigit vitæ benè filius annos,
Haud poteris vitæ de brevitate queri.
Sat vixit, benè qui vixit, moriturq; beatè,
In salvatoris cognitione sui. " "

Vitaq; non hæc est meritò longæva putanda,
Complures annos quæ numerare potest:
Sed quam commendat pietas, prudentia rerum,
Et virtus cunctis anteferenda bonis.
Talis vita tui, Prorex clarissime, nati,
Perbrevis illa quidem, sed sine labe, fuit.
Non illi pietas, non defuit inclyta virtus,
Virtutisq; comes gloria, fama, decus.
Atq; fuit rerum prudentia major in illo,
In reliquis ætas quam juvenilis habet.
Quam fuerit constans, fidusq; in rebus agendis,
Danorum locuples regia testis erit:

Ac Bru.

ELEGIA CONSOLATORIA VVIPPERMANN.

Ac Brunopolitana domus : nam filius illic
Virtutis prompsit plurima signa suæ.
Hinc est Gottorpâ factus Præfectus in arce ,
Bremensis læto Præsulis auspicio:
Asscriptusq; viris, quorum est ante omnia munus
Consiliis patriam ritè juvare suam.
Quàm benè Danorum Friderici regis in aulâ.
Vixerit, id cunctis innotuisse reor.
Namq; à Rege pio peregrinas missus in oras,
Legati functus munere ritè fuit:
Et meritò, linguam quia calluit ipse latinam,
Gallorum dextrè novit & ore loqui.
Si non præpropera sublatus morte fuisset,
Eſſet adhuc ipsi cum juvenile decus ,
Præmia virtutis Cajus majora tulisset:
Sed non est summo res ita visa D E O .
Hæc te fortassis, Prorex , meminisse juvabit,
Defuncti nati quòd pia vita fuit.
Præterea placidus vitæ fuit exitus illi,
Hic etiam, luctum quo modereris , habes.
Nam mortalis homo quia non sine crimine vivit,
Æternæ mortis cogitur esse reus :
Cogitur esse reus , nec spes est ulla salutis ,
Ni Christum capiat justificante fide ..
Solus enim Christus spes est , solamen , asylum ,
Confusæ mentis lux medicina , salus .
Hunc tuus exceptit fidei quoque filius ulnis ,
Cum sensit mortis tempus adesse suæ.
Ingenuè faslus transactæ criminæ vitæ ,
Des, inquit, veniam, Christe benigne , mihi.

Ut de

Ut de promissâ mea mens sit certa salute,
 Sanguine me recreat, corpore pasce tuo.
 Annuit his precibus Christi Clementia Jesu:
 Spernere namq; pias non solet illa preces.
 His ita transactis, Prorex clarissime, Caji
 Perstitit in vera mens generosa fide.
 Et moriens animam migrantem tradidit illi,
 Innocua cuius morte redempta fuit.
 Nunc ea percipiens æternæ gaudia vitæ,
 Conspectu fruitur colloquiōque D E I.
 Tempore postremo quoque glorificata resurget,
 Quæ nunc fit spurcis vermis esca, caro.
 Hæc animo volvens, Prorex ac nobilis Heros,
 Impositum à Domino fer patienter onus.
 Subditus esto D E O, finemque impone dolori:
 Hoc, quem tu luges, filius ipse rogat.
 Te, pie Christe, precor, mœstos solare parentes:
 Per verbum potes hoc nam pie Christe tuum,

*Henricus Ranzovius Cajum alloquitur, filium
suum vita defunctum.*

 Iccine, mi fili, florentibus integer annis,
 Tu moriens alti scandis ad astra poli?
 Et nos hei miseris lacrimarū in valle relinquis,
 Queis sine te nunquam vita placere po-
 Hei tibi quem luctum nobis moriendo parasti? (test.
 Præmatura nimis mors tua namque fuit.
 Patria te luget, te tristi squalida luctu
 Prosequitur lacrimis sponsa pudica suis.

G

Te mi-

H. R. AD CAIVM.

Te miserè lugent, qui te genuère parentes,
Et caußam luctus atq; doloris habent.
Sponsus eras, fili, nec non pro more recepto
Debebas cantu lætitiaque frui.
Sed nunc pro thalamo bustum, pro virginē terram,
Pro læto cantu nænia mœsta capis.

Respondet filius.

Define, care pater, nimis indulgere dolori:
Nam mea res nunc est in meliore loco.
Exul eram, fateor: nunc cœli sede receptus,
Ante Deum vita lætitiaq; fruor.

Georgius Wippermannus.

EPICEDION.

Sic ne jaces CAI HENRICI carissimaproles
RANZOVII, arx Gottorp quando regenda datur?
Ah jam muneribusq; ætas & amoribus apta,
Præfectum & Sponsum mors quia ademit, erat!
Incluta Præpositum cœtu te vidit eorum
HAMBVRGA, una quibus lex veneranda Canon.
Te Princeps aulâ juvenem suspexit A DOLPHVS:
Regiâ & hinc carum Rex FRIDERICVS habet.
¶. c. Namq; es visus, Alexandrum qui Orator adires
1587. Parmæ, præ reliquis commodus esse, Ducem:
Scilicet inter & Hispanum, pacem, inter & Anglam,
Cum te legato conciliare studet...

Apto

Apto caussa viæ simul est sermone relata,

Dux parat eloquio præmia digna gravi.

Cingat enim collum qui torques aureus, & quæ

Viva det ora Ducis cernere, imago, datur.

Quæ capiens diversus abis : spoliaris at auro,

Captus Bruxellâ non procul, atq; notis.

Demitur ut vinclum chartis, mox agnitus Anglo

Militiæ reliquos qui caput inter erat :

Adq; Status, & liber ab his dehinc mittere ad Arcton,

Rex, tibi, ubi factum, quod, putat omne sibi.

(Nam didicere Status vèrè cecinisse Poëtam :

An nescis longas Regibus esse manus ?)

Nec mora sexcentas Batavum subsistere naves

Jussit, ubi aurifero est Hafnia clara freto :

Quæ tricies mille ut Ioachimi à Valle vocatos

Penderunt nummos, Rex ait, ite citæ.

Tu quoq; ne nullo doneris munere, C A I,

Tertia pars multæ sit tua deinde refert.

En animum, exstincti cuius virtute negant jam,

Fata frui, Regis regia facta docent.

Anni abeunt, non omnis abit sed luctus, ibi Heros

Guelfius H E N R I C U S J U L I U S hospes ait:

Sat luctu, lacrumisq; datum : nova gaudia quæro :

Nulla Venus ignes, tu nisi Elisa levas :

Tu mihi Diva places : tu regno fida reliquo

Ibis ad H E N R I C I Principis uxor opes.

Emicuit, comitata fuit quæ foedere Divam

Conjugii junctam copia lecta virum :

Unâ hic & C A I, florentibus integer annis

Magni animi juvenis conspiciendus ades.

EPICEDION CAII RANZOVI.

Tecta vbi Guelforum post tædia longa viarum.
Celsa micant, hic sit jam mora grata refers:
Principis usq; adeo tua movit pectora virtus,
Nec latuit C A J I mens generosa Duce.
,, Non adamas, non sic rutilans oblectat & aurum,
,, Ut vir, virtutum dulcis imago, placet.
Absentē hunc JANVS Præsul Bremenis ADOLPHVS,
Holsatūm quo jam Principe fulta domus,
Delegit, ceu re dubia non futilis autor
Consiliis habitus qui graue ferret onus:
Ferret onus, quod honos humeris imponit, & arcem.
Cimbrorum regeret quam tenuere Duces.
Ergo vocatus abit Guelforum sede relicta.,
Quam Princeps gemino nomine clarus habet.:
Atq; Bredenbergam cari genitoris ad arcem
Tendit, ubi infestat languida membra lues.
Quâ tandem exstinctus, Patriæq; Patrisq; Ducisq;
Cimbrorum, astra Jubar, Robur, Ocellus, adit.
Plura pedi Heroo vates accommoda dicent.,
Hæc C A J O cecinit mœsta Thalia: Vale.

M. Henricus Gerlacius Hamburg.

A L I T U D.

Q uis modus, & nostræ sit quæ fiducia vitæ,
Optima vel primo tempore raptæ docent.
Vivere cum ventres & inania pondera terræ
Cernamus Pylii secula multa senis.
Sive ita fata volunt, seu crimina nostra merentur,
Quod prodest transit, quod nocet usq; manet..

Quam

EPICEDION C A I I R A N Z O V I I .

25

Quam brevis at cursus, nostræ sit & orbita vitæ
Velox, sors hominum præcipitata docet.
Sicut araneoli tenuatur stamen ab aura,
Ceu rosa mane virens, vespere siccâ perit.
Sic homines pereunt: mors illos improba tollit,
Et redit in cineres quod fuit ante cinis.
Sic cedit ante diem C A J U S R A N Z O V I U S cheu,
Unica spes, columnen, præsidiumq; patris.
Hic puer ingenuas castis cum moribus artes,
Cumq; pia didicit religione fidem.
A teneris siquidem rectis assuescere multum est,
Quæ puer ediscit, post sciet illa senex.
Ingenii ob dotes, queis mens exulta nitebat,
Nestoreos annos vivere dignus erat.
Dexteritas laudata, fides, studiumq; fuissent,
Sive obeunda domi munia, sive foris.
Omnibus acceptum, multis prodesse paratum,
Consilio, eloquio, judicioq; gravem,
Invida mors tollit vernantis flore juventæ:
Illiusrabie quis superesse queat?
Omnia falce metit, precibus nec flectitur ullis:
Ah nihil eximii mors sinit esse diu.
Nunc mens astra colit, sed nomen vivet in orbe,
Dum veniens summum finiet hora diem.

Bonifacius Calenius Hamburg.

G 3

EPI-

EPITAPHIA IDE
Ranzoviæ.

Ida Henrici	nata est	1588.	die 8. Septemb.
V. R. neptis	Itzeboæ	anno	mane hora 7.
	mortua	1591,	die 24. Eebr.
	Apenrodæ		

INSCRIPTIONIO MONUMENTI
Ida Ranzoviæ.

IPSA LOQUITUR.

O ptimum quidem est, Sileno teste, non nasci, aut natum citò mori. Ast ego illud improbo, hoc probo. Illud, inquam: Si enim non nata, nec homo, nec imago Dei opificis fuisset. Hoc: Si enim non tam citò mortua, multis exposita fuisset morbis & periculis. Cum itaq; per mortem ad vitam, de peregrinatione ad patriam, ab æstu ad refrigerium, ex agone ad bravium, dulci somno sopita pervenerim, gratulor mihi, quod & ego IDA Idea, & imago Dei mei nascendo facta, quodq; citò moriendo ego IDA ita innumeris sim prærepta malis. Nunc autem trimula hic Apenrodæ sub monumento à patre Cajo Mauritii filio, & matre Elisabetha Henrici trium Daniæ Regum Vicarii filia, utrisq; Ranzoviis erecto, resurrectionem carnis exspectans recubo, mortua 24. Februarii, sepulta 22. Martii,
Anno Domini 1591.

IDA

26
EDA RANZOUIA PER PROSO-

POPOEIAM VERSICVLOS HOS CANIT, QVI

soluta oratione Epitaphio conscripto correspondent.

Non melior res est, Silenus protulit olim,
Quam nunquam nasci, vel citò posse mori.
Hoc ex parte placet dictum, sed displicet illud,
Quod nunquam nasci rem putat esse bonam.
Nam quid homo? miranda DEI viventis imago,
Sit licet innumeris obrutus ipse malis.
Ergo hominem natam me lator, lator & inde,
Paucorum annorum quod mea vita fuit.
Nam multis præcepta malis nunc ID A quiesco,
Exspectans redditum Christe benigne tuum.
Quæ monumenta vides tumulo superaddita nostro,
Curavit fieri mœstus uterq; parens.

A L I U D.

Caræ matris amor, cari spes unica patris,
Oblectamen avi, deliciūmq; aviæ.
ID A ego R A N Z O VII dulcissima filia C A J I,
Trima sub hoc busto contumulata tegor.
Noluit ulterius fragilem me vivere vitam,
Mortales inter qui regit astra D E U S.
Ne mala, quæ forsan citò sunt ventura, viderem,
Innumerisve aliis obruerer vitiis.
Sed quoniam in toto nihil est optabile mundo,
Me voluit superâ luce domoq; frui.
Onimum felix, cui vere ætatis in ipso
Concessum est nitidi regna subire poli.

Avus

EPITAPHIA IDE RANZOVIAE.

Avus nepti.

Tu quoq; suprema & communis nostra voluptas,
Ante diem neptis sic mihi rapta jaces?
Quæ me, quæq; aviam, matremq; patremq; solebas
Blandiloquis verbis exhilarare tuis:
Me lepido risu, lepidoq; agnoscere visu,
Ac animum ex omni parte levare meum.
O dolor, ô lacrymæ, ô quam sunt immitia fata!
Quam miserum humanæ conditionis opus!
Qui mediâ morimur vitâ, viviq; cadaver,
Mortis inexpletæ mancipiumq; sumus.
Sed mihi quid restat? num quod te trimula vidi?
Matri quod genuit? quod peperitve patri?
Ah non, à superis majus solamen habemus,
Nempe quod hac positâ, cœlica vita manet.
In qua, quam primum me terris fata vocabunt,
Tecum perpetuæ Sabbata pacis agam.
Dii faxint properè, & placidè celsa æthera scandam,
Et tua tantisper molliter ossa cubent.

Neptis avo.

Non opus est tanto lasses pia numina luctu,
Et mea, ceu facis, hæc fata queraris AVE.
Cara quidem neptis tibi, caraq; filia patri
Usq; fui, at multo carior ipsa D E O.
Vos me mortalem fecistis vivere vitam:
Christus at æternam perpetuamq; dedit.
Vos lacrymas saltem: at Christus cum morte cruentus
In cruce pendendo fudit amore mei.

Vos

EPITAPHIA IDÆ RANZOVIAE.

27

Vos vilem à me non potuistis pellere morbum :
At Christus morbum sustulit atq; necem.
Meq; ex naufragio in portum, patriamq; reduxit,
Nullus ubi labor est, nullus ubi dolor est.
Hunc meritò ergo sequor, qui vos quoq; tempore justo
Ducet ad hunc pacis lætitiaeq; locum.
Este modò unanimes fortunam ad utranq; parati,
Quò bene possitis, cum venit hora, mori.

Gie lieg ich Key Ranzowen Töchterlein/
Nach Gottes Willen in mein Kämmerlein.
Die ich war von Natur in Sünden geborn/
Vnd hette derwegen müssen sehn verlorn.
Wann du nit H̄er̄ Christ mich mit deinem Blut
Erlöst hettest von Sünden, Hell vnd Todt.
Der du mein Leben/mein Trost vnd Gewin/
Darumb ich leb oder sterb auch dein ich bin.



H GEOR-

GEORGII ROLLENHAGII
Rectoris Scholæ Magdeburgensis Epi-
stola Consolatoria

ad

H E N R I C U M R A N Z O V I U M
U. R. de obitu filii C A F I, cum non-
nullis Epitaphiis.

T S I Generose & Magnifice Domi-
ne, homines ingeniosi de fontibus conso-
lationum tam in Philosophia quam Theo-
logia, multa erudite scripserunt: tamen &
in meis & amicorum calamitatibus saepe
expertus sum, quod Cicero queritur: ea
tantum posse, quantum in cuiusq; animo est roboris
atq; virium. Heroicus enim animus seipsum cohibet,
atq; in gyrum rationis dicit, etiam nihil monitus: mu-
liebris contra vel sapientissime tractatus parum adjuva-
tur. Utriq; Medicus optimus est, Spiritus sanctus, &
temporis quædam longinquitas. Quapropter comme-
moratione earum rerum, quæ jam olim tum literis no-
stris, tum usu diuturno confirmâsti, neq; aures tuas gra-
vare, neq; dolorem refricare volo: tantum meos tecum
gemitus & lacrymas conjungo, & te oro, ut pro te quo-
que repetas Tragici illud: Me longa dies & generosus
animus patientiam docuerant: atq; propter Ecclesiam
DEI & Rempublicam reverendæ tuæ senectuti parcas.
Nobis

GII
GEORGII ROLLENHAGII CONSOLATORIA. 28

Nobis enim omnibus tandem luctus noster, hoc Davi-
dico Epiphonemate finiendus est: An possum eum re-
vocare? Ego quidem ad illum migrabo: ille verò non
redibit ad me. Hæc breviter tibi in mentem revocare
volui: tibiq; , quod restat, totiq; familiæ animum in vo-
luntate DEI acquiescentem & firmam valetudinem:

Filio piæ memoriar, tandemq; nobis omnibus
lætam resurrectionem exopto. Vale.

Magdeburgi, 1591. 7. Junii.



H 2 GENE.

GEORGII ROLLENHAGII CARMEN CONSOL.
GENERE, LITERIS ET DIGNI-
tate nobilissimo Domino, HENRICO
RANZOUIO, Dania Pro-
regi divinam consol. P.

Georgius Rollenhagius.

Ingenuas artes, & mores Principe dignos
Edactus, CAJUS stemmate RANZOVII.
Arcem Gottorpi quando Praefectus adibat,
Exultans sponsæ FLORIS amore novæ.
Tum moritur juvenis. Pia mens demigrat in aulam,
Quā patet ad cœlos porta reclusa DEI.
Debile plantatur corpus, quod vindice Christo
Post immortali flore resurgat humo.
Inq; DEI villis Paradisi floribus auctum,
Nectaris æterni gaudia læta bibat.
Et si igitur mors hæc nimium festina videtur,
Et tristis sponsæ venit, acerba patri:
Morte tamen, quantò minor est Gottorpia cœlo,
Tantum deterior vita caduca fuit.
Hunc absq; invidiâ CAJO gratemur honorem,
Æternum CAI Ranzoviane vale.
Tu verò tu curarum compesce tumultus
O pater, & patri gratificare DEO.
Qui tales nostris insevit cordibus ignes,
Quales cognato sentit amore dolor.
Ut sint æternæ pictura domestica flammæ,
Quā totus nati flagrat amore sui.

Atta-

OL
GNL
O
IN TUMULUM CAII RANZOVI^{II} EIVSDEM. 29

Attamen hunc mundo dedit, ut qui credit in ipsum,
Non pereat, vivat sed super astra D E O.
Et dubitamus adhuc illi committere nostra.
Omnia, qui nobis omnia summa dedit?
Quin gnatos, & nos ipsos reddamus eidem,
Qui datus est nobis lux, via, vita, salus.

VIII
dam,
to
celo,
III,
Am
IN TUMULUM CAJI
RANZOVI^{II}.

C AJUS RANZOVIUS jacet hic: qui stirpe vetusta
Nobilis, ingenii clarus honore fuit.
Ut Gottorporum sedem Præfectus haberet,
Jungeret Holsticis consiliumq; viris.
Invidere decus, tantum decus, invida fata,
Et patri, & patriæ: restituere D E O
Sed juvenem: Sponsâ funus plangente dolendum,
Ergo tui sati tu quoq; vive memor.



H 3 ALL

IN TUMULUM CAII RANZOVI EIVSDEM.

ALIVD.

Hic jaceo, HENRICI spes atq; novissima proles,
CAJUS RANZOVIUS. Quem nec virtutis egen-
Nec laudis, nec opum, juvenem citâ fata tulerunt. Item,
Quem plangunt pater & mater, fratresq; sorores,
Cognati, notiq; omnes, patriæq; penates,
Herois quem virgo mihi carissima Sponsa
Incredibilibus lacrymis sibi luget ademptum.
Ferreus es, nisi tute gemis : mœstoq; parenti,
Et viduæ Sponsæ solatia dia precaris :
Dum beat in coelis me vivi gratia Christi.

N. B. Suprà fol. 4. b. lin. 26. pro : Ex his quisq; lege : Ex his quemq;

FINIS.



M.

proles,
tis ega-
nt. (rea
s,



HAMBURGI,
EX OFFICINA
TYPOGRAPHICA
Jacobi Wolffii.



Anno Salutis,

C I O. I O. X C I.